

Naqqiut

Oqaaseqaatit 24. februar 2016-imeersut taarserneqarput

(Skiimami normut 4 aamma 6 ataasiakkaanik naqqiivigineqarput soorlu aamma normu 5-ip aamma 6-ip akornanni akunnerit kiisalu skiimami § 2 peerneqartut. Taakkua saniatigut naqinnerlutat ataasiakkaat naqqinnejqarput soorlu aamma nr. 3-mi imm. 4-mut oqaaseqaatinik ilangussisoqartoq aamma nr. 6-imi § 31, imm. 5-imi immikkut akuersiarneq pillugu aalajangersakkanut oqaaseqaatit erseqqissaavagineqarsimasut)

Inatsisissatut siunnersummut oqaaseqaatit

Nalinginnaasumik oqaaseqaatit

1. Aallaqqasiut

Siunnersummut tunngaviuvoq aaqqissusseqqinneq annertooq, tassani ilinniagaqarnersiutit pillugit malittarisassani kajumissuseqarnerulersitsisumik aaqqissuussap atuutsinneqalernissaa kissaataavoq.

Siunnersuut aqqutigalugu ilinniarnermi taarsigassarsianik ernialersuisarnissamut piffissaliusa-saq allanngortinneqarpoq, tassa tunniussinermi ernialersuisoqartalerluni. Malittarisassat atuut-tut naapertorlugit aatsaat ernialersuisoqartarpooq ilinniagaqarnersiutit tunniunneqartarunnaar-nerata aqaguanit aallartittumik, tassa ilinniagaqartoq ilinniagaqarnersiutinik inatsisit malillugit pissarsisarunnaaraangat.

Siunnersutigineqartortaaq malillugu ilinniarnermi taarsigassarsiat akilersorneqarnissaannut ikiorssiarme q pillugu malittarisassat allanngortinneqarput. Tassani pineqarput akilersuinissa- mut ikiorserneqarsinnaanermut kiisalu tapiissutit annertussusissaannut piumasaqaatit.

Tamatumanil ilaatigut qulakkeerneqassaaq taarsigassarsinermi Kalaallit Nunaannut attuumas- suteqarnissaq.

Inunnut ilinniakkaminnik naammassinnissimasunut imaluunniit ilinniakkaminnik unitsitsisi- masunut Kalaallit Nunaanni aalajangersimasumik najugalinnut malittarisassat malillugit ilin- niarnerminni akiitsorilersimasaasa akilersorneqarnissaannut tapiissuteqartoqartarpooq, tassa ilinniagaqarnersiuteqartussaanani ilinniagaqarnersiutinik pisimalluni ilinniarnermi taarsigas- sarsiat pineqartinnagit. Siunnersuut malillugu ilinniarnermi akiitsorilikkanik akilersuinissamut tapiissutit qanoq angitiginissaannut apeqqutaapput ilinniakkamik naammassinnitqarsima- nersoq aamma tamanna ilinniarfissatut piffissaliussap iluani pisimanersoq pisimannginnersor- luunniit imaluunniit ilinniagassat ataasiakkaat naammassineqarnissaannut atatillugu qanoq ukioqarnissamut piumasaqaatit naammassineqarsimanersut.

Siunnersummi atuutsitsilernissamut, ikaarsaariarnermut atorunnaarsitsinermullu aalajanger- sakkitigut aalajangersarneqarpoq ilinniartut siunnersuutip atuutsinneqalereernerani ilinniaga-

qalersut eqqarsaatigalugit siunnersuut atorneqassasoq.

Malittarisassat atuuttut malillugit tapiissutit qinnuteqartup ukiumi akiliiffiusussami akiliutaa-sut annertutigissasut. Siunnersuut malillugu tapiissutit minnerpaamik qinnuteqartup ukiumi akiliiffiusussami akiliutigisaasa affasut annertutigissapput. Taakku saniatigut tapiissutit an- nertussusissaannut apeqqutaassaaq qinnuteqartup ilinniarnini ilinniarfissatut piffissaliussap iluani imaluunniit piffissaliussaq qaangiutereersoq naammassisimaneraa. Siullertut pineqartu-nut tapiissutit ukiumi akiliiffiusussami akiliutigineqartut 50 procentinik annertusineqassapput. Ilinniagaqartorli ilinniarnerminik ilinniarfissatut piffissaliussaq qaangiutereersoq naammassi-simanini pissutigalugu 50%-inik qaavatigut tapiiffigineqarsinnaanngikkaluarluni tapiiffigit-in-nissamut akuerineqarsinnaavoq. Tamanna pissaaq ilinniagaqartup 26-nik ukioqalertinnani inuussutissarsiutitigut tunngaviusumik ilinniakkani, siviksumik ingerlaqqiffiusumik ilinnia-gaqarnini, inuussutissarsiutigalugu bacheloritut ilinniagaqarnini imaluunniit bacheloritut ilin-niagaqarnini naammassisimappagit imaluunniit 28-nik ukioqalertinnani kandidatitut ilinnia-gaqarnini naammassisimappagu. Taakkuupput Naalakkersuisut Ilinniartitaanermut periusis-siaanni anguniagaasut.

Siunnersummitaaq erseqqissarneqarpoq ilinniarnermi taarsigassarsianik akilersuinissamut tapiissutit taamaallaat tunniunneqarsinnaasut ilinniartumut Kalaallit Nunaannut attuumassute-qartumut. Tamanna pissaaq Namminersorlutik Oqartussanit ilinniagaqarnersiuteqartarneq ilu-tigalugu ilinniarnermi taarsigassarsineq pineqartoq ilanngukkaanni. Tassa tamatumani piuma-saqaataavoq ilaatigut attuumassuteqarnissamut aalajangersakkat pineqartut naammassineqar-neranni.

2. Inatsisisatut siunnersummi immikkoortut pingarnerit

a) Inatsisisatut aalajangersakkat atuuttut

Pisinnaatitaaffit atuuttut Ilinniagaqarnersiutit pillugit Inatsisartut inatsisaanni nr. 12, 22. november 2011-meersumi aamma Ilinniagaqarnersiutit pillugit Namminersorlutik Oqartussat nalunaarutaanni nr. 5, 27. marts 2015-imeersumi takuneqarsinnaapput.

Ernialersuinermut tunngasoq:

Inatsisip § 16, imm. 1-iani allassimavoq, ilinniartoq Namminersorlutik Oqartussanit imaluun-niit Ilinniartitaanermut ministeeriaqarfimmit inatsisit malillugit ilinniagaqarnersiuteqarun-naarpat, ilinniagaqarnersiutit uninneraniit ullup tulliani aallartittumik ilinniarnermut atatillugu taarsigassarsianit qaqugukkulluunniit akiitsorineqartut ernialersorneqalissapput, pisortat qaqu-gukkulluunniit diskontoat procentimik ataatsimik ilasaq erniarineqartinneqarluni.

Aalajangersakkamullu oqaaseqaatip aappaani allassimalluni erniat ukiut tamaasa ulloq 31. december imaluunniit ullormi akiitsut akilerneqarfianni naatsorsuusiorneqartassasut.

Diskontomut tunngatillugu ernialiussat tassaapput Nationalbankenimit ingerlaavartumik aala-jangersarneqartartut. Diskontomi allannguuit allannguinerup kingorna qaammatip aallaqqaa-

taani atuutilissapput. Assersuutigalugu Nationalbankenip diskonto ulloq 27. april allanngortippagu ernialiussaq nutaaq ulloq 1. maj atuutilissaqq.

Tassunga ilanngullugu oqaatigineqarsinnaavoq ilinniagaqartup inatsisit malillugit ilinniagaqarnersiuteqarnerani ernialersuinissaq pillugu malittarisassat atuuttut ilinniagaqarnersiutit pillugit inatsimmi § 16, imm. 1 naapertorlugu Ilinniagaqarnersiutit pillugit Inatsisartut peqqussutaannut nr. 5, 14. november 2004-meersumut ilanngunneqarmata. Tamatuma saniatigut § 16, imm. 2-mi takuneqarsinnaavoq imm. 1 naapertorlugu immikkut ittumik pissutissaqartilugu Naalakkersuisut ernialersuinissamik sanioqqutsisinnaasut.

Aamma inatsisip § 17, imm. 1-iani takuneqarsinnaavoq sungiusarluni suliffissamik pissarsismannginneq, ilinnianngiffeqarallarneq, tamatumunnga ilanngullugu erninermi sulinngiffeqarallarneq aamma uppernarsaaserneqartumik napparsimaneq pissutigalugit ilinniagaqarnersiuteqarneq unitsinneqarallarpat, § 16, imm. 1 naapertorlugu ernialersuisoqassanngitsoq.

Taamatuttaaq § 17, imm. 2-mi takuneqarsinnaavoq ilinniarnermik unitsitsigallarneq, tak. imm. 1, ukioq ataaseq sinnerlugu sivissussuseqarpat, pineqartup ilinniagaqarnermut atatillugu taarsigassarsiaanut qaqugukkulluunniit akiitsut § 16, imm. 1-imi aalajangersagaq malillugu ernialersorneqalissasut, unitsinerup ukiumik ataatsimik sivissussuseqalerneranit aallartitumik.

Inatsisip § 18, imm. 1-iani aamma takuneqarsinnaavoq ilinniagaqartoq ilinniarnerup unitsinerata naammassinerataluunniit kingorna ilinniarnermik ilinniagaqarnersiutisiaqarfiusinnaasumik aallartitseqqippat nutaammilluunniit aallartitsippat, malittarisassallu malillugit Namminersorlutik Oqartussanit imaluunniit Ilinniartitaanermut ministeeriaqarfimmit ilinniagaqarnersiutisisalerpat, pineqartup ilinniagaqarnermi taarsigassarsianut qaqugukkulluunniit akiitsusaernialersorneqarnerat unitsikkallarneqassasoq, ilinniakkap ilinniarnersiuteqaatasinnaasup aallarteqqinnerata imaluunniit ilinniakkap nutaap aallartinnerata ulluanit siullermiit atuutilersumik. Tamanna ilutigalugu aalajangersakkap imm. 2-ani takuneqarsinnaavoq ilinniarnerup unitsinneqarnerata naammassineqarnerataluunniit aqaguanit atuutilersumik pineqartup ilinniagaqarnermi taarsigassarsianut qaqugukkulluunniit akiitsusaernialersorneqarnerat § 16, imm. 1-imi periaasisssatut taaneqartoq malillugu aallarteqqinneqassasoq.

Taakku saniatigut inatsisip § 19-iani allassimavoq immikkut pissutissaqartillugu Naalakkersuisut taarsigassarsisumut allakkatigut nalunaarutigisinnagaat tamakkiisumik ilaannakortumilluunniit ernialiisoqassanngitsoq imaluunniit ernialiunneqareersut tamakkiisumik ilaannakortumilluunniit isumakkeerneqassasut.

Ilinniarnermi taarsigassarsiat akilersorneqarnissaannut ikorsiineq:

Namminersorlutik Oqartussat ilinniagaqarneq naammassineqarsimagaangat imaluunniit kipitinneqarsimagaangat, ilinniarnermi taarsigassarsiat akilersorneqarnissaannut, tamatuminnga qinnuteqarneq tunuliaqutaralugu, inunnut Kalaallit Nunaanni aalajangersimasumik najugalini-

nut tapiisarput, ilinniarnermi taarsigassarsiat pisussaanagit ilinniagaqarneqarnersiuteqarsimarnermik pissuteqannngippata, tak. ilinniagaqarnersiutit pillugit inatsimmi § 29, imm. 1.

Aalajangersakkap atuuttup qularnartoqartilersinnaavaa assersuutigalugu inunnut ilinniarnerminni Kalaallit Nunaannut attuumassuteqanngitsunut ilinniareernerminni Kalaallit Nunaanni aalajangersimasumik najugaqalersimasunut ilinniarnermi taarsigassarsianut akilersuilenissamut aamma tapiissuteqartoqarsinnaanersoq.

Aamma inatsisip § 30-aní allassimavoq tapiiffingineqarnissamut piumasaqaataasooq qaammati siuit malillugit ukiup siuliani, matuma kingorna ukiumik akilersuiffimmik taagorneqartumi, akiliutigisimasat tamarmiusut minnerpaamik 6000 kr.-iusimanissaat, akiliutigisat ukiumi akilersuiffiusumi ernialiunneqartunit amerlanerunissaat, tapiiffingineqarnissamik qinnuteqaatip ukiup akilersuiffiusup tulliani 1. september nallertinnagu Naalakkersuisunit tiguneqarsimanisa aamma ilinniartup qinnuteqaatip Naalakkersuisunut tunniutinnginnerani minnerpaamik qaammatini pingasuni Kalaallit Nunaanni aalajangersimasumik najugaqarsimanerminik uppernarsaasinnaanissa.

Aamma inatsisip § 31-aní allassimavoq tapiissutit ukiup akilersuiffiup ingerlanerani akiliutaasimasut nalinginik amerlassuseqartinneqartassasut, akiliutigineqartut akiitsunut ernianulluuniit akiliutaasimanerat apeqqutaatinnagu tapiissuteqartoqartassasoq, ukiumi tapiiffiusumi 1. december akiitsut sinneruttut tamarmiusut sinnerlugit tapiissuteqartoqarsinnaanngitsoq, ukiup akilersuiffiup tulliani 1. december tapiissutit tunniunneqartassasut.

Kiisalu inatsisip § 32-aní takuneqarsinnaavoq Naalakkersuisut taarsigassarsisoq immikkut ajornartorsiorpat, qinnuteqarnera naapertorlugu ilinniarnermi taarsigassarsiat tamakkerlugit ilaannaaluunniit isumakkeersinnaagaat, soorlu inatsisip § 33-aní allassimasoq ilinniarnermi taarsigassarsiat akilersornissaannut ikioqqulluni qinnuteqarnermut atatillugu, Naalakkersuisut taarsigassarsisoq ilinniarnermi taarsigassarsiat akilersornissaannut tapiissutinik naatsorsuinermut, kiisalu ilinniarnermi taarsigassarsiat tamakkiisumik ilaannakortumilluunniit isumakkeerneqartariaqarnerannik naliliinissamut atugassanik paasissutissanik pisariaqartinneqartunik tamank tunniusseqqusinnaagaat.

b) Siunnersuut

Tassunga atatillugu nassuaat qulaani oqaasertaliussat aallaqqaataat innersuussutigineqarpoq.

Inatsisissatut siunnersuut inatsimmut maanna atuuttumut sanilliullugu	
	§ 1 Ilinniagaqarnersiutit pillugit Inatsisartut inatsisaanni nr. 12, 22. november 2011-meersumi imatut allangnguisoqarpoq:

<p style="text-align: center;">Kapitali 4 <i>Ilinniarnermi taarsigassarsianik ernialersuineq</i></p> <p>§ 16 Ilinniartoq Namminersorlutik Oqartus-sanit imaluunniit Ilinniartitaanermut ministeeriaqarfimmit inatsisit malillugit ilinniaga-qarnersiuteqarunnaarpat, ilinniagaqarnersiutit uninneraniit ullup tulliani aallartittumik ilin-niarnermut atatillugu taarsigassarsianit qagu-gukkulluunniit akiitsorineqartut ernialersor-neqalissapput, pisortat qaqugukkulluunniit diskontoat procentimik ataatsimik ilasaq erniarineqartinneqarluni. Ernialiineq ukiut ta-masa 31. december imaluunniit ullormi akii-tsut akilerneqarfianni pisassaaq.</p> <p><i>Imm. 2. Naalakkersuisut ernialersuinerup aallartiffissa, tak. imm. 1, immikkut pissu-tissaqartillugu sanioqqussinnaavaat.</i></p> <p>§ 17. Sungiusarluni suliffissamik pissarsi-simannginneq, ilinnianngiffeqarallarneq, ta-matumunnga ilanngullugu erninermi sulin-giffeqarallarneq aamma uppermarsaaserne-qartumik napparsimaneq pissutigalugit ilin-niagaqarnersiuteqarneq unitsinneqarallarpat, § 16, imm. 1 naapertorlugu ernialersuisoqas-sanngilaq.</p> <p><i>Imm. 2. Ilinniarnermik unitsitsigallarneq, tak. imm. 1, ukioq ataaseq sinnerlugu sivi-sussuseqarpat, pineqartup ilinniagaqarnermut atatillugu taarsigassarsiaanut qaqugukkul-luunniit akiitsut § 16, imm. 1-imi aalajanger-sagaq malillugu ernialersorneqalissapput, unitsitsinerup ukiumik ataatsimik sivisussu-seqalerteraniit aallartittumik.</i></p> <p>§ 18. Ilinniagaqartoq ilinniernerup unitsin-nerata naammassinerataluunniit kingorna ilinniarnermik ilinniagaqarnersiutisiaqarfiu-sinnaasumik aallartitseqqippat nutaammil-luunniit aallartitsippat, malittarisassallu ma-</p>	<p>1. Kapitali 4 atorunnaarsinneqarpoq.</p>
--	--

<p>illugit Namminersorlutik Oqartussanit imaluunniit Ilinniartitaanermut ministeeriaqarfimmit ilinniagaqarnersiutisisalerpat, pineqartup ilinniagaqarnermi taarsigassarsianut qaqugukkulluunniit akiitsuisa ernialersorneqarnerat unitsikkallarneqassaaq, ilinniakkap ilinniagaqarnersiuteqaataasinjaasup aallarteqqinnerata imaluunniit ilinniakkap nutaap aallartinnerata ulluanit siullermiit atuutilersumik.</p> <p><i>Imm. 2.</i> Ilinniarnerup unitsinneqarnerata naammassineqarnerataluunniit aqaguani atuutilersumik pineqartup ilinniagaqarnermi taarsigassarsianut qaqugukkulluunniit akiitsuisa ernialersorneqarnerat § 16, imm. 1-imiperiaasissatut taaneqartoq malillugu aallarteqqinnejqassaaq.</p> <p><i>Imm. 3.</i> Immikkut pissutissaqartillugu, tas-sunga ilanggullugit pissutsit § 17, imm. 1-imitaaneqartut, imm. 2-p sanioqqunnissaa Naalakersuisut aalajangiussinnaavaat.</p> <p>§ 19. Immikkut pissutissaqartillugu Naalakersuisut taarsigassarsisumut allakkatigut nalunaarutigisinnaavaat</p> <ol style="list-style-type: none"> 1) tamakkiisumik ilaannakortumilluunniit ernialiisoqassanngitoq imaluunniit 2) ernialiunneqareersut tamakkiisumik ilaannakortumilluunniit isumakkeerneqassasut. 	
<p>Kapitali 5 <i>Ilinniagaqarnermi taarsigassarsiat akilersorneqartarnerat</i></p>	<p>2. Kapitali 5-imut qulequtaq ima oqaasertalerneqarpoq: ”<i>Ilinniarnermi taarsigassarsianik ernialersuineq akilersuinerlu</i>”</p>
	<p>3. § 20-p kingornanut ilanggunneqarpoq:</p> <p>”§ 20a. Ilinniarnermi taarsigassarsiat tunniunneqarnerannit aallartittumik ernialersorneqassapput.</p> <p><i>Imm. 2.</i> Ilinniarnermi taarsigassarsiat sukkulluunniit akiitsorilersimasat ernialersorneqassapput.</p> <p><i>Imm. 3.</i> Akiitsunik ernialersuisoqassaaq pisortat sukkulluunniit diskontoata 1%-imik ilasap angeqqataanik ernialersorlugit.</p>

	<i>Imm. 4.</i> Ernialiineq ukiut tamaasa ulloq 31. december imaluunniit ullormi akiitsut akiler-neqarfianni pisassaaq.”
<i>Imm. 2.</i> Ilanniagaqarnersiutinik ilinniarnermi taarsigassarsianngortinneqarsimasunik ernialersuineq akilersuinerlu pisassaaq ilinniarnermi taarsigassarsianik ernialersuisarneq akilersuisarnerlu pillugit maleruagassat malillugit, tak. §§ 16-22.	4. <i>Imm. 2.</i> Ilanniagaqarnersiutinik ilinniarnermi taarsigassarsianngortinneqarsimasunik ernialersuineq akilersuinerlu pisassaaq ilinniarnermi taarsigassarsianik ernialersuisarneq akilersuisarnerlu pillugit maleruagassat malillugit, tak. §§ 20a-22.
§ 29. Namminersorlutik Oqartussat ilanniagaqarneq naammassineqarsimagaangat imaluunniit kipitinneqarsimagaangat, ilinniarnermi taarsigassarsiat akilersorneqarnissaannut, tamatuminnga qinnuteqarneq tunuliaqutaralugu, inunnut Kalaallit Nunaanni aalajangersimasumik najugalinnut tapiisarput, ilinniarnermi taarsigassarsiat pisussaanagit ilanniagaqarneqarnersiuteqarsimanermik pissuteqanngippata.	5. <i>§ 29, imm. 1,</i> imatut oqaasertalerneqas-saaq: ” § 29. Namminersorlutik Oqartussanit ilanniagaqarnersiutinik pissarsisarneq ilutigalugu ilinniarnermi taarsigassarsinermi taarsigassarsiat akilersorneqarnissaannut, tamatuminnga qinnuteqarneq tunuliaqutaralugu, Namminersorlutik Oqartussat tapiissapput taarsigassarisup § 30-mi piumasaqaatit naammasisimappagit. Ilanniagaqarnersiutinilli pisusaaanani pissarsisimanerup kinguneranik ilinniarnermi taarsigassarsiat akilersorneqarnissaannut tapiissuteqartoqarsinnaanngilaq. tak. § 25.”
§ 31. Tapiissutit ukiup akilersuiffiup ingerlanerani akiliutaasimasut nalinginik amerlassuseqartinnejartassapput. <i>Imm. 2.</i> Akiliutigineqartut akiitsunut ernianulluunniit akiliutaasimanerat apeqqutaatin-nagu tapiissuteqartoqartassaaq. <i>Imm. 3.</i> Ukiumi tapiiffiusumi 1. december akiitsut sinneruttut tamarmiusut sinnerlugit tapiissuteqartoqarsinnaanngilaq. <i>Imm. 4.</i> Ukiup akilersuiffiup tulliani 1. december tapiissutit tunniunneqartassapput.	6. <i>§ 31</i> imatut oqaasertalerneqarpoq: ” § 31. Tapiissutit ukiup akilersuiffiup ingerlanerani akiliutaasimasut 50 procentiisa nalinginik amerlassuseqartinnejartassapput, apeqqutaatinnejassanngilarlu akiliutigineqartut akiitsunut ernianulluunniit akiliutaasimanersut. <i>Imm. 2.</i> Imm. 1-imi aningaasat taaneqartut saniatigut 50 procentinik tapiissuteqaqqitt-qarsinnaavoq, 1) ilanniagaqartup piffissami ilinniarfiusus-sami ilanniagaqarnini naammassisimappagu, imaluunniit 2) ilanniagaqartup a) 26-nik ukioqalertinnani inuutissarsiutinut tunngaviusumik ilanniagaqarnini naammassisimappagu,

	<p>b) 26-nik ukioqalertinnani sivikitsumik ingerlaqqiffiusumik ilinniagaqarnini, inuus-sutissarsiutigalugu bacheloritut ilinniagaqarnini imaluunniit bacheloritut ilinniagaqarnini naammassisimappagit, imaluunniit</p> <p>c) 28-nik ukioqalertinnani kandidatitut ilin-niagaqarnini naammassisimappagu.</p> <p><i>Imm. 3. Ilinniagaqarnersiutinut Namminer-sorlutik Oqartussanut akiitsorisanut tapiissu-teqartoqassaaq tapiissutit akiitsuni nalunaaru-tigineqartut nalikilliliiffiginerisigut.</i></p> <p><i>Imm. 4. Danskit naalagaaffiannut ilinniaga-qarnersiutitigut akiitsorisanut tapiissutit ta-piissutinik danskit naalagaaffianut akiliute-qarnikkut akilerneqassapput.”</i></p> <p><i>Imm. 5. Tamatuma qinnutigineqarnera ma-lillugu imm. 2-mi, nr. 1-imi piumasaqaatit Naalakkersuisunit sanioqqunneqarsinnaapput taakkulu saniatigut 50 procentinik tapiissute-qaqbillutik, ilinniagaqartup uppernarsarpagu, kinguaattoorneq pissutsinik peqquteqartoq, taakkununnga ilanngullugu ilinniagaqartup pisuussutiginngisaanik ilungersunartumik nappaateqarneq.”</i></p>
	<p style="text-align: center;">§ 2</p> <p>Inatsisartut inatsisaat ulloq 1. august 2016 atuutilersinneqarpoq, atutissaarlu ilinniaga-qartunut atuutsitsilernerup kingorna ilinniak-kaminnik aallartitsisunut.</p> <p><i>Imm. 2. Ilinniarnermi taarsigassarsiat Nu-natta Karsianit aningaasalersorneqartut 1. august 2016 sioqqullugu taarsigassarsiaritin-neqartut, taakku pillugit malittarisassat atuut-tut naapertorlugit ernialersorneqassapput.</i></p> <p><i>Imm. 3. Ilinniagaqartut 1. august 2016 nal-lertinnagu ilinniakkaminnik aallartitsisut ilin-niarnermi taarsigassarsiaasa akilersorneqar-nissaannut malittarisassat atuuttut naapertor-lugit tapiissuteqartoqassaaq.</i></p>

3. Pisortanut aningasatigut allaffissornikkullu kingunerisassai

September 2015-imi diskontop 0%-iuneronik naatsorsuisimaneq tunngavigalugu aamma 2014-imi taarsigassarsiat amerlassusaannik taarsigassarsiallu annertussusaannik nalilersuisimaneq tunngavigalugu ilimagineqarpoq nunatta karsiata ukiumut erniatigut isertittagassai agquaqatigiissillugu ukiuni tallimani ilinniagaqarsimanissamik naatsorsuutiginnineq aallavigalugu ukiut tallimat tulliuttut amerlissasut, tassa ukiumut 2.350.000 kr.-nik isertitaqartarluni.

Ilinniarnermi taarsigassarsianik akilersuinissamut tapiissutisisinnaanermut tunngatillugu atasuteqarnissamut piumasaqaammik erseqqissaaneq aningaasaqarnikkut kinguneqassanngitsoq ilimagineqarpoq, tassa pisinnaatitaaffit atuuttut erseqqissarneqarnerat taamaallaat matumani pineqarmat.

Taamaattoq naatsorsuutigineqarpoq ilinniarnermi taarsigassarsiat akilersorneqarnissaannut tapiissutit pillugit malittarisassat allannguutissaattut siunnersuutigineqartut, taakkununnga ilanngullugit tapiissutit annertussusissaattut siunnersuutigineqartut sipaaruteqarnermik kinguneqassasut.

2015-imi maanna aaqqissuussaq (taarsigassarsianik akilersuinermi 100%-imik naapertuut-toqarpat) naapertorlugu aningasartuutaasussatut ilimanaateqartut ukiumut 8 mio. kr.-upput. Aningaasartuutigineqavissut annikinneeraapput, ukiunili kingullerni amerliartupiloorsimallutik, taamaammat ilimagineqarluarsinnaavoq aaqqissuussaq taamaalluni qinnuteqarsinnaasut akornanni atorluarneqaleriartortoq. Naatsorsuinerit takutippaat taarsigassarsianut akiliutinik agquaqatigiissillugu annertoqatigiissitsisarneq, qinnuteqartut ilinniagaqarnerisa siuariartornerat allannguuteqassanngippat, 75 %-it missaaniissaq. Aaqqissuussaq taamaalilluni maan-na aningaasartuutaasartut 25 %-iisa missaannik sipaaruteqarfiusaaq.

25 %-itut sipaarutissaq 2 mio. kr.-t missaannik sipaarutaasinnaavoq.

Tassunga atatillugu oqaatigineqassaaq aaqqissuussamik allannguineremi siunertaammat ilinniakkanik siusinnerusukkut piffissarlu eqqorlugu naammassinninnissamut kajumissuseqalersitsiniarneq. Sunniutaasinnaasoq tamanna piviusunngortinnejassappat inuiaqatigiit aningaasarnerannut pitsaasumik sunniuteqarluassaaq, tassunga ilanngullugu akileraarutitigut isertitarneruleritoqarluni innuttaasullu pisortat ikorsiissutaannik pisartagallit ikileriarlutik.

Siunnersuutip aningasatigut kingunerisassaanik inuiaqatigiit aningaasaqarnerannut Naalakkersuisut naatsorsuusiornerminni Danmarkimi kalaallit ilinniagaqartut Kalaallit Nunaannut utertarnissaannik kajumissuseqalersitsinissaq pillugu apeqqut nalilerpaat. Tassunga atatillugu naliliineq misissuisimanernik aamma ilinniartunik utertartunik ingerlaavartumik oqaloqateqartarnermik tunngaveqarpoq, tassalu aaqqissuussineq massakkutut isikkoqartillugu Kalaallit Nunaannut utertarnermut atatillugu taamaallaat killeqartorujussuarmik sunniuteqartartoq. Utertarnermut pingaaruteqarluinnartuuusinnaasut, naalakkersuinikkut akisussaaffiusinnaasut, ilaatigut tassaasut, meeqqanik paarsisoqarnissamut pissutsit, atuarnermut pissutsit, najugaqar-

nermut pissutsit, atorfimmi qaffassarsinnaanermut periarfissat aamma aningaasarsiat annertussussaat. Saniatigut oqaatigineqassaaq, aaqqissuussinermi siunnerfigisat tassaanerummata Kalaallit Nunaanni ilinniagaqartut, tassanilu soorunami utertarnissaannik kajumissuseqaler-sitsinissaq siunertarineqanngilaq, taakku nunatsinneereermata. Taamaammat nalilerneqarpoq, aaqqissuussinermik allannguineq ilinniakkamik naammassereernerup kingorna Danmarkimi kalaallit ilinniagaqartut Kalaallit Nunaannut utertarnissaat pillugu apeqqummut atatillugu taamaallaat annikitsuinnarmik sunniuteqarsinnaasoq.

Tamanna tunngavigalugu allannguineq aamma Danmarkimi ilinniagaqartunut ilinniagassamut piffissaliuussap iluani naammassinninngitsunut, taamaasillutilu affaannarmik tapisisartunut atatillugu utertarnissamik kajumilersitsiniaanermut sunniuteqarnavianngilaq.

Kalaallit ilinniagaqartut Namminersorlutik Oqartussat ilinniagaqarnersiutinut malittarisassaat aamma danskit ilinniagaqarnersiutinut malittarisassaat naapertorlugit taarsigassarsisimasunut atatillugu siunnersutip kingunerisinnaasai, pingarnertigut missiliorlugu imannak takutinneqarsinnaapput:

	GL	DK
Kingunera		
Taarsigassarsiat		
(Kalaallit Nunaaninggaaniit)	70.000	10.000
erniat	2.334	510
Katillugit (DK-imi ilinniartunut		
DK-imi atukkat ilanngullugit)	72.334	200.000
taarsigassarsiat		
akilersorneqarnissaannut tapiissutit		
50 %	36.167	100.000
taarsigassarsiat		
akilersorneqarnissaannut tapiissutit		
25 %	23.870	66.667
Assigiinngissut	12.297	33.333

4. Inuussutissarsiortunut aningaasatigut allaffissornikkullu kingunerisassai

Siunnersut inuussutissarsiutinik ingerlataqartunut aningaasatigut kinguneqartussatut ilimagineqanngilaq.

5. Avatangiisinut, pinngortitamut innuttaasullu peqqissusiaannut kingunissai

Siunnersut avatangiisinut, pinngortitamut innuttaasullu peqqissusaannut sunniuteqartussaangilaq.

6. Innuttaasunut kingunissai

Siunnersutip malitsigisaanik ilinniarnermi taarsigassarsinermut atatillugu aningaasartuutit ilinniagaqartumut taarsigassarsinissamut periarfissamik atuismut annertunerulissapput.

Ilinniarnermili taarsigassarsiat sakkukitsuaqqamik piumasaqaatitalerlugit suli ernialersorne-qassapput, tamanna ilinniarnerup nalaani ilinniagaqareernermlu atuutissaaq. Qulaani takutin-

neqartuni immikkoortoq 3-mi takutinneqartut malillugit ilinniagaqartoq ataaseq ukiuni 5-ini taarsigassarsinissamut periarfissat naapertorlugit taarsigassarsisoq, katillugit kr. 70.000-inik taarsigassarsisoq piffissap ilinniarfiusup ingerlanerani erniatigut kr. 2.334-nik akiligassinne-qarsimassaaq. Tamatumunnga ilaliullugu naliliivigineqanngilaq, piffissami taarsigassarsifi-sumiit ernialersuineq taarsigassarsiap annertussusianut arlaatigut sunniuteqassasoq.

Siunnersuut malillugu ilimagineqarpoq ilinniakkamik naammassinninnissamut aamma ilin-niarnissamut piffissaliussap iluani ilinniakkamik naammassinninnissamut kajumissuseqaler-sitsissasoq. Akerlianik siunnersuut ilinniagaqartunut ilinniarnissamut piffissaliussap iluani naammassinninngitsunut imaluunniit ilinniarnerminnik naammassinninngitsunut pitsaanngi-tsumik kinguneqassaaq. Taamatuttaaq siunnersuut ilinniagaqartunut ilinniagassanut ataasiak-kaanut tunngatillugu qanoq ukioqarnissamut piumasaqaatinik naammassinninngitsunut pi-tsaanngitsumik kinguneqassaaq.

7. Kingunerisassai pingaaruteqartut allat

Inatsisisstatut siunnersuut Naalagaaffeqatigiinnermut imaluunniit namminersorluni oqartussaa-nerup ingerlanneqarneranut tunngatillugu kinguneqartitsinngilaq.

8. Pisortanut soqutigisaqaqatigiinnullu tusarniaanerit

Inatsisisstatut siunnersuut piffissami 7. december 2015-imiit 8. januar 2016-ip tungaanut uku-nunnga tusarniaassutigineqarpoq:

Naalakkersuisut Siulittaasuata Naalakkersuisoqarfia

Aningaasaqarnermut Naalakkersuisoqarfik

Ineqarnermut, Sanaartornermut Attaveqarnermullu Naalakkersuisoqarfik

Pinngortitamut, Avatangiisirut Inatsisinillu Atuutsitsinermut Naalakkersuisoqarfik

Peqqinnissamut Naalakkersuisoqarfik

Aalisarnermut, Piniarnermut Nunalerinermullu Naalakkersuisoqarfik

Inuussutissarsiornermut, Suliffeqarnermut Niuernermullu Naalakkersuisoqarfik

Ilaqtariinnermut, Naligiissitaanermut Inunnillu Isumaginninnermut Naalakkersuisoqarfik

Aatsitassanut Ikummatisanullu Naalakkersuisoqarfik

Sulisitsisut (GE)

SIK

KANUKOKA

NUSUKA

IMAK

AK

ASG

Knud Rasmussenip Højskolia

Sulisartut Højskoliat

Ilisimatusarfik

Avannaani Ilinniarnertuunngorniarfik/Nordgrønlands Gymnasium

Qeqqani Ilinniarnertuunngorniarfik/Midtgrønlands Gymnasium

Campus Kujalleq
Kalaallit Nunaanni Teknikimik Iluniarfik (KTI)
INUILI
Imarsiornermik Iluniarfik
NI-Nuuk
Peqqissaanermik Iluniarfik
Perorsaanermik Iluniarfik
Savaatilinngorniat Iluniarfiat/Fåreholderskolen
Aalisarnermik Piniarnermillu Iluniarfik
Eqqumiitsuliornermik Iluniarfik
Aarhus-imi Kalaallit Illuat
Odense-mi Kalaallit Illuat
Aalborg-imi Kalaallit Illuat
København-imi Kalaallit Illuat
Kommuneqarfik Sermersooq
Kommune Kujalleq
Qeqqata Kommunia
Qaasuitsup Kommunia
Avalak
Kisaq
KIK
Siunnersuisartunik Iluniarfik
MIO

Tusarniaanermut killissarititap naanerani makkunannga akissuteqaatit tiguneqarput: KANUKOKA, GE, SIK, Ilisimatusarfik, Qaasuitsup Kommunia, aamma ASG, taakku siunnersummut oqaaseqaateqanngillat. Taassuma saniatigut Grønlands Maritime Center, Avalak, Kommuneqarfik Sermersooq, Kommune Kujalleq, Qeqqata Kommunia aamma AK tusarniaanermi akissuteqarput, taakku tusarniaanermi ilanngussaat tusarniaanermi akissutit pillugit allakkiami ilanngunneqartumi tulleriaarneqarput. Aammattaaq inatsimmi immik-kuualuttut misissorneqarnerinut atatillugu Inatsisartut Allattoqarfianni Inatsisileriffimmi § 31-mi, imm. nutaami 5-imi immikkut ittumik akuersissuteqarsinnaaneq ilanngunneqarpoq. Tassa imappaq, ilinniagaqartoq iluniarnermi akiitsorilersimasami akilersorneqarnissaannut 50 %-inik tapiiffigineqarnissaminut akuerineqarsinnaassasoq, naak ilinniagassamut piffissaliussap iluani ilinniagaqartoq naammassinnissimanngikkaluartoq, piffissaliussamik eququutitsinnginneq pissutsink ilinniagaqartup pisuussutiginngisaanik peqquteqarsimappat. Taassuma saniatigut siun-nersuutip kingunerisinjaasaanik naatsorsuusiorernernut tunngatillugu misissuinerup taassuma kingunerisaanit siunnersuutip oqaaseqaatitaanut aamma marlussunnik erseqqissaateqartoq-poq.

Inatsisissamut siunnersummi aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersagaq inatsisissatut siunnersummi pingaarnertut siunertarineqartup kinguneraa. Tamatumaa nassataanik pingaarnertut malittarisassani ernialersuinissamut malittarisassat im-mikkualuttortai ilaatisinnginnerillu assigiinngitsut atorunnaarput.

Aalajangersakkap aamma kinguneranik immikkut pissutissaqartillugu Naalakkersuisut taarsigassarsisumut allakkatigut nalunaarutigisinnaagaat tamakkiisumik ilaannakortumilluunniit ernialiisoqassannginneranik imaluunniit ernialiunneqareersut tamakkiisumik ilaannakortumiluunniit isumakkeerneqarsinnaanerannik Naalakkersuisut allakkatigut taarsigassarsisumut na-lunaaruteqarsinnaanerat pillugu inatsimmi atuuttumi § 19 atorunnaarpoq. Nassuaatini nali-inginnaasumi oqaatigineqartutut aalajangersagaq atorneqarsimannigilaq.

Nr. 2-mut

Ernialersuinissamut aalajangersakkap inatsimmi kapitali 5-imut ilanngunneqarnissaanik siunnersuut malillugu kinguneqartitsisarnermut iluarsiissut matumani pineqarpoq.

Nr. 3-mut

Inatsisissatut siunnersummi ilinniarnermi taarsigassarsiat qaqugukkut qanorlu ernialersorne-qassanersut pillugit qitiusumik aalajangersagaq matumani pineqarpoq, tak. aamma nassuaatit nalinginnaasut.

Inatsimmi atuuttumi § 16, imm. 1 tunngavigalugu aalajangersagaq oqaasertalerneqarpoq, aalajangersagaq pingasunut avillugu maanna oqaasertaqalerpoq.

Imm. 1-imi piffissaq ernialersuiffiusussaq pineqarpoq, imm. 2-mi suut ernialersorneqassanersut pineqarluni imm. 3-milu erniat qanoq annertugissanersut pineqarluni.

Imm. 4-p nalunaarpaa piffissami sumi erniat ilanngunneqartassanersut. Ukiumoortumik ernialiisarnerup ilutigitillugu erseqqissarpaa ukiumut erniat erniaannik naatsersuisoqartassasoq, tamanna ingerlaavartumik ernialiisarnerni nalinginnaasumik ernialiinermi atugassarititaasarmat. Taarsigassarsiat killiffii taamaalillutik ukiumut ataasiarlutik naatsersorneqartassapput, kingornalu taarsigassarsiat killiffiat ernialerneqartassalluni, ima paasillugu ernialiunneqarsimasut ilanngullugit taarsigassarsiat tamakkiisumik annertussusaat akilersuutigisimasallu ilanngaatigalugit annertussusaat.

Nr. 4-mut

Tassani kinguneqartitsisarnermut iluarsiissut pineqarpoq.

Nr. 5-imut

Aalajangersakkatigut inatsimmi atuuttumi § 29, imm. 1 allanngortinneqarpoq, taamaalilluni maannakkut erseqqissumik takuneqarsinnaalerpoq, qinnuteqartup Namminersorlutik Oqartus-sanit arlaatigut ilinniagaqarnersiuteqarnerata nalaani taarsigassarsisitsisoqarsimappat ilinniar-nermi taarsigassarsiat akilersorneqarnissaannut taamaallaat tapiissuteqartoqarsinnaasoq. Tassaasinnaapput kalaallit ilinniagaqartut Namminersorlutik Oqartussanit ilinniagaqarnersiu-tisisangikkaluartulluunniit illoqarfimmuit ilinniarfigisaminnut akeqanngitsumik angalatinne-qarlutik ilinniarnermi tapiissutisisartut. Tassa aalajangersakkami piumasaqaataavoq ilinniaga-qarnersiutit pillugit inatsimmi §§ 3 aamma 4 naapertorlugit Kalaallit Nunaannut attuumassu-teqanissamik piumasaqaatit naammassineqarsimassasut, tapiiffingineqarnissamut taarsigassar-sisoqartarmat.

Ilanngullugu oqaatigineqassaaq najugaqarnissamik piumasaqaat oqaasertassatut siunnersuu-tigineqartumit peerneqarmat. Tamatumunnga pissutaavoq piumasaqaatip taassuma inatsisip § 30-ani atutereernera, aalajangersakkami innersuussutigineqartoq.

Aamma allassimavoq, taarsigassarsinissamut tunngatillugu allannguisoqarsinnaanera ilinnia-gaqarnersiutinik pisussaanani pisarsimanerup kinguneranik atuutsinnejaleretoq aalajangersak-kami oqaasertaliussap tulliani nutaamik oqaasertalerneqassasoq siunnersuutigineqarpoq, soor-lu ilinniarnermi taarsigassarsinissamut tapiiffingineqartussaanani tapiiffigitittarnerup allan-ngortinneqarnissaa pillugu inatsimmi § 25-mut innersuussisummiq ilangussisoqartoq.

Nr. 6-imut

Aalajangersakkami pineqarpoq tapiissutit annertussusaat.

Aalajangersagaq malillugu ilinniagaqartoq ilinniakkaminik ilinniarfissatut piffissaliussap ilua-ni imaluunniit piffissaliussaq qaangiutereersoq naammassinnissimanersoq apeqqutaatinnagu tapiissutit allanngortinneqartassapput. Aalajangersakkami imm. 1 naapertorlugu siullertut taa-neqartumi pisoqartillugu, tapiissutit annertussusisaat minillugit, tapiissutit maanna aaqqis-suussanut nalimmassarneqarsinnaapput, tassa inuit ilinniarnerminnik unitsisisimasut aamma imm. 1 naapertorlugu tapiissutisisinnaammata. Imm. 1-ili malillugu tapiissutit taamaallaat akiliutigineqartut 50 %-isut annertutigissapput.

Aalajangersakkami imm. 2-mut tunngatillugu allassimavoq, ilinniagaqartoq ilinniarnerminik ilinniarfissatut piffissaliussap iluani naammassinnissimaguni imaluunniit ilinniagassat assi-giinngitsut qanorlu ukioqarnissamik piumasaqaatit aalajangersakkap nr. 2-aní allassimasut naammassigunigit akiliutigineqartut 50%-inik qaavatigut tapiiffigitinnissamut akuerineqarsinnaasoq.

Ilinniarfissatut piffissaliussaq tassaavoq piffissaq ilinniakkap pineqartup qaammatini qassini sivisutiginissaanik aalajangiuissaq.

Aalajangersakkami alassimasutut ilinniagaqartup ukiumi akiliiffiusussami nammineq akiliutigisimasaasa 100%-inik tapiiffigineqarsinnaasoq.

Aalajangersagaq ilinniarfissatut piffissaliussap iluani ilinniakkamik naammassinninnissamut kajumissaataasutut aamma piffissaliussap iluani ilinniakkamik naammassinninnermi iluanaarutissatut isigineqassaaq.

Aammattaaq Inatsisartut Allattoqarfianni Inatsisileriffiup tamatumunnga oqaaseqaataata kingga immikkut ittumik akuersissuteqarsinnaaneq ilanngunneqarpoq. Tassa imaappoq, ilinniagaqartoq ilinniarnermi akiitsorilersimasami akilorsorneqarnissaannut 50 %-inik tapiiffigineqarnissaminut akuerineqarsinnaassasoq, naak ilinniagassamut piffissaliuussap iluani ilinniagaqartoq naammassinnismangikkaluartoq, piffissaliuussamik eququutitsinnginneq pissutsinik ilinniagaqartup pisuussutiginngisaanik peqquteqarsimappat, tamanna § 31, imm. 2, nr. 1-im i allassimasoq malillugu. Aalajangersagaq ingammik ilungersunartumik nappaateqarnermut atatillugu atorneqarsinnaassaaq, ilinniagaqartup uppernarsarsinnaappagu nappaateqarneq ilinniagassanillu angusaqanngitsoorneq imminnut ataqtigisiinneqarsinnaasut.

Tassunga ilanngullugu oqaatigineqassaaq, erninermut atatillugu ilinnianngiffeqarneq piffissamik ilinniarfiusussatut aalajangerneqartumik eqquutitsinnginneq pillugu apeqqummut sunniuteqassanngitsoq. Tamatumunnga pissutaavoq, ilinniagaqarnersiutinik tunniussisoqarneq ajormat, tassunga ilanngullugu ernereernermermi ilinniagaqanngikkallarfiusumut atatillugu assersuitgalugu qiorsinernik atuinikkut ilinniagaqarnersiuteqarnerit. Tamanna aamma nalilersuiffigeneqaqqissaaq, aningaasat ilinniarnermi tunniunneqartartut imaluunniit qiorsinernik atuinikkut ilinniagaqarnermut atatillugu tunniunneqarsimasut akornanni assigiinngissutaasoq kinguaattoernerusoq, taamatullu ilinniagaqarnermut maleruagassat attuuttut najoqqutaralugit ilinniagaqarnermi siuariartorneq qaammatinut uuttorneqartarluni. Aammattaaq erninermut atatillugu ilinniagaqartoq ernereernermini ilinniagaqaanarpat, piffissamut ilinniagaqarnersiuteqarfiusumut tapiliullugit qiorsinerit 12 qaavatigut tunniunneqassapput. Tassa imaappoq, taamaasilluni ilinniagaqarnersiutinut malittarisassanut atatillugu piffissaq ilinniarfiusussatut aalajangerneqartoq sivitsorneqarsinnaavoq.

§ 2-mut

Siunnersutigineqarpoq Inatsisartut inatsisaat ulloq 1. august 2016 atuutilissasoq, soorlu aalajangersakkami piumasaqaatit ilinniagaqartunut inatsimmik atuutsitsilerneq sioqqullugu ilinialersunut attuuttut eqqarsaatigineqartut.